

十念生十善道一善之中十种扶衛故名百神之身人無十念名為百惡所謂百種善神翻賊其身上十念身得真仙中士十念身得延壽下士十念身得長年

天尊告言三元齋請隨時豐儉要在聖威潔內外合同當此之日諸天大聖皆悉下觀善神監齋在人左右三日三夜功過上聞子當精進殷勤勿怠道在玄中遙鑒子心

三元寶經流通品第十二

爾時四天之下諸國天子前進作禮辨心天子而作是言不審天尊演說此經當何名之云何奉持云何流布云何供奉云何付囑願為分別開示未聞天尊告言善男子此經名太上大道三元寶經如經奉持廣宣流布四天下之下使不斷絕此經所在之處別及感貯燒香供養付囑有道國王王子大臣學真道士齋戒之處為人解說開悟未聞時會大眾聞天尊所說燒香散花讚歎圍繞奉行教勅是時天尊至五更之初浮空而去是諸仙人徘徊雲路戀慕霄駕而作步虛曰

飄飄雲路點點入長霄星官日去遠光陰劫數遙仰聽金顏隱傾想佇神蕊願得映霞軫焚香稽首朝玄風轉飛蓋紫氣沉仙車浮空不待駕合景忽昇无徘徊哀下界顧盼懸羣諸三元真化畢脩然入大虛萬氣浮空上十光合太微霄間望華蓋虛裏盼霞水真儀入雲路圓曜逐風飛願得三元會金容乘蓮歸爾時下界仙人及諸大衆作步虛已翹仰雲路傾盼神光目送霞氛拜辭真帝須臾之頃天垂紫雲地起輕霧煙霞交合唯聞天樂漸漸高遠時會大衆各還本土依金口宣揚道化流布寶經齋講設會四天下之皆蒙玄祐福德無盡

太上大道玉清經卷之四

太上大道玉清經卷之五

星五

八節品第十三

爾時西靈上仙與其侍從千二百人俱以虛皇三年八月二十六日晨朝之時齋駕飛龍之輿上登雲路入玉清天中謁高真上帝大悲天尊請受八節真經并觀至聖威儀上道所治中天福境微妙真化之事山進天門步虛雲庭齊整威儀一時稽首長跪而止良久之間仰瞻上方雲官之中見大悲真帝神儀澄湛精彩迢迢凝凝溶溶處於天心坐於雲光之中猶如輕霄滂於玄天以浮雲之龍朝暉日上靈眸初月臨眉紺髮凝煙丹脣吐霞首巾萬變之金精身佩億轉之瓊羅手飛承天足蹈招搖恍惚希微虛家冥道適長存理契無生真通精應妙感神情不隱不彰不濁不清如有如無如晦如明俯同有識身入無形閑居絲籟虛演真經窈窕神唱无聲而聲真儀不動運化無停手迴八氣足轉七經合會有生覆載无功陰德无稱焉能強名道无无限玄源不測心居何有形遊絕域泯然

默忽寥廓常冲混同先後不必居中無起無滅無始無終真宰挾侍神人有羣瓊鐘鼓節金鑪颺氛甘露流津靈氣凝雲真光徹照香風洞薰皓元蒼黃胚胎不分難得名言斯皆自然爾時諸仙仰瞻真帝心無疲倦塔喪其刑都忘威德始欲无言未通玄默道數不窮誠希有剋須臾之頃重復再拜心欲有陳懼不能宣政冒威神惟思道恩爾時真帝怒其戰慄乃命左侍上真呼語仙人曰子等是三天上仙幸因宿慶身入道流已登不退猶應進修无上秘要為世救濟无瞬息寧來此何緣默而不言我等大聖雖至極至尊不忘大悲動息大虚心遊萬機有志必感誠無所違爾時仙人長跪而言小兆不揆竊好真仙形弊骨實至塵至穢持以天慈普被滋潤无疆零落反榮枯朽沾洽金符育骨玉宇生尸沐玄源之浩津酌洞清之流澤竊聞道窮則及物極有歸塵穢之徒恒復思本數千萬劫念親高尊恐習氣未消不敢輕觸躊躇之間已經億劫不期乘機遇運肘步天庭遭遇天尊以

申翹想以欲語未敢陳辭仰親真威慨然自失五情无主口不能宣特以慈尊沈愛情深賜垂提飾惜以威光今得有言敢騰力款申此微心爾時在真奉天尊教初宣揚道化爲諸後學决斷疑而告仙人曰汝欲何願恣女所陳仙人闔衆歡喜禮謝真人而作是言雖道在人亦非以輕生重法億劫勤苦履峰踏險經水過火不憚艱危遂感高真念此无知出靈文以見授真氣布無涯之澤大道降陰生之符反已逝之危魂榮已凋之朽質上愧日新之道而下元日新之德數千萬劫環轉三天不期乘運上昇塵穢玉清之境速披六霧洞出八天裂三界之羅登七覺之位雖有養道微功未能泯無形之地今日有幸得入太玄无生之生生道固矣所翹所望於此須足直以有心欲聞八節真要修齊立功求福謝德拔苦願生死開泰昇入道源爾時真人聞上仙之辭愕然而言子在三天之中何得聞八節真要此乃是太極生神寶章之首篇也天帝所秘上真所修傳之於口不見

其文法授當來成真之人子從何緣而得聞之爾時仙人頓首而言小兆去聖遐遠真文隱絕特以言龍初會九真大集朝慶太一虚无天尊爾時大聖出法度真開唱篇目不覩其文中心憶持未曾捨離輕陳渴仰千忤天心賜以大慈願垂憐憐真人告曰子有真相得聞至法是子運會應合成真傳吾寶經當得其人違科輕泄退真无道爾時上仙拜諾真人奉遵教勅不敢泄慢是時真人即命金童續天寶名香啓金臺寶藏開發發蘊出八節寶經一篇著碧案之上正當天尊之前是時仙人一時作禮頓首良久不敢陳辭天尊以知其意俯而聽之即命真人捧此寶經以授仙人受已復禮天尊真人告曰此經是上道之寶文大悲天尊普聚雲氣以成其文今誦真人仰而則之此文大道真氣化成雲象氣布已復靈童復虛子欲寫之刻玉爲簡紫金爲字寫之了日當還付我真人又曰汝等仙人且舍靈官西臺奉寫真文此舍自有天廚供給學人亦有丹臺瑤林恣汝遊息是諸

仙人歡喜受諾往合西臺刻王鍊金摹寫靈
 文大悲天尊八節寶經曰立春之日溫氣始
 生雲宮開東北之門三司進朝以定善惡春
 分之日和氣始成雲宮開正東之門三司進
 朝以定善惡立夏之日暄氣始生雲宮開東
 南之門三司進朝以定善惡夏至之日炎氣
 始成雲宮開正南之門三司進朝以定善惡
 立秋之日清氣始生雲宮開西南之門三司
 進朝以定善惡秋分之日涼氣始成雲宮開
 正西之門百神俱朝議定罪福生死簿錄功
 過進退纖塵顯露衆真大鍊百神受事功過
 毫分无不上達立冬之日嚴氣始生雲宮開
 西北之門三司進朝以定善惡冬至之日凝
 氣始成雲宮開正北之門三司進朝以定善
 惡天尊告當來學真之士修吾八節之道立
 功修行身不履非志不邪遊常當齋戒以求
 昇度嚴其始終供贍所須丹志勤勤恒始救
 燔奉奉不怠動息無忘常思師道如在目前
 孤身幽林永絕人事六時禮頌以求密契絲
 絲微微不與不廢功滿行成與真俱會未至

第一日行道禮頌隨心所陳氣合香煙六時
 上聞動止合儀默坐精思三日三夜騰九祖
 之宿豐謝一身之極過上為天子次及兆民
 奉道之門施力救功供給齋厨同為啓陳當
 此之日誠无不達道无不聞懷道之士勤而
 行之上士長齋不獨此時恒祈昇度心无暫
 休形絕外遊志不邪求營生得生當復何憂
 於是大悲天尊演琴心上經其文曰回首仰
 圓羅合景抱靈芒拘魂制七魄思雷定中方
 行住禮虛无寢息安玄房飢餐黃壁花渴飲
 瓊根漿神旌命大魔合體鍊真光復照觀太
 无相在空中遊圓通民波際真化靡中期宵
 眇无終始行者當明知寂家忘理教應運闡
 弘規降道不自昭要當先所施會歸無二處
 隨心自合離

大悲天尊曰後世合真之人得吾此文調虛
 琴而行之恒立青蓋之下駕雙白虎俠二赤
 龍塵劫未始聖不知終一十八年剋見太平
 真道之原慎勿妄宣七祖受考身不得僣億
 劫絕望與道无緣爾時仙人刻玉文訖送經

奉還真人并見新文以簡天尊天尊告曰上
 道寶經七百年中許傳三人世无其人語之
 玉笈禁不安宣是時仙人頓首禮謝小兆有
 幸得叨秘法特蒙慈尊弘愍之至內懷喜慶
 誠不自申又復頓首天尊告曰子得寶經真
 道畢矣勤而行之當應自知天尊又曰子且
 遊觀玉清道境待秋分之後復歸下界爾時
 仙人奉天尊教勅歡喜禮謝次禮真人
 真人告曰子奉恩遊觀此有常法我玉清天
 尊有真光之車以給仙真遊行十方乘此車
 者微塵世界一瞬已周是時仙人既受教已
 齊駕真光之車如一瞬頃以至玉清天西南
 方太空之中不測邊際至二十八日秋分之
 節晨朝之時忽見諸天真仙億萬衆從雲宮
 西門而入陳列天儀施張供具遍滿玄中燒
 香散花作天妓樂歌頌讚歎朝謁天尊三日
 三夜三司校錄生死罪福諸得度者名編青
 簡天降雲車浮空上昇骨肉俱飛永為真仙
 罪過塵積注名黑簿減年奪算沉尸九幽罪
 竟受對萬劫無原爾時三司之官各奏其音

昇降相背哀樂不同天官之司奏和雅調暢之音地官之司奏宮夷之音水官之司奏悲寬長夜之音燭風折金石之聲巖氣動風雨之鳴此乃天地自然之音常會吉凶之際衆音雖繁而我大道天尊未曾聞之夷心在玄泯然不覺三司塵穢不關耳目每所感授默與無言暗達彼心量任其宜生成無功陰德不差適諸有生日用无知大道雖高鑑之甚早大道凝然機中則施不去不來不踏不馳不亡不存不合不離不虛不滿動用無訾吾辰敷華雙景曜芒循環紫戶寢宴金房六氣下流三元上騰不疾不遲不滅不增自然而明去死納生不爲而爲不行而行真神不動化合萬并真神元心應化元情能卷能舒能晦能明不二不中不隨不迎不與不廢不死不生不形而形不名而名處晦而明處濁而清不獨不羣不混不并餘漠希微不順不違往无所適來无所歸居无所止動无所依空步不移坐應萬機恍惚難尋冥寂无違輕我者衆則我者稀逐臭如塵詎及靈機朦朧愛覆

動用習疑背道流亡誰當復歸陰遜孤遊惺惺可哀沈川無反何時運來三塗永吟九夜長衣苦魂離散衆怨競裁告汝來生道如晨暉德同下流無日不新無時不歸下攝萬川上德千機照而不煩縹而能希無情可鑑無心可照八交空轉虛迴七曜自然經緯生靈之要微中又微妙中又妙告汝來生行不乖常動不離无常能不傾無能深極常无不適无无不生不動而適不勞而生適无不過生无不周遍而不廢周而不休其形如雲其氣如流流極還來雲低必浮來而能有浮而能虛告汝來生勿用其明明極則暗暗極還明常能守暗身恒太平辟却三灾銷滅五兵十惡不來六賊不行郊境无陣城邑不驚百實成熟花樹敷榮風雨調適萬物自生告汝來生去情離欲食元服一抱道懷德招集善友驅遣陰賊以威自儀以戒自勤嗜味損已貪淫自勉所願無成所求不得殺盜資身橫行威福勿恤下賤行害施割呵天罵地奔馳惻怛五神内戰怨憎外結湯氣蓄滯陰經天關快邪作道

不得其末子當慎之勿得輕泄勿將死尸佩吾生文莫將毒志懷吾寶經莫將邪聲吟吾正真莫將陰賊入吾道場莫懷想強行吾道莫將敗壞之身以求全生之道莫將十惡之身破毀十善之道莫以五逆之劍自割破其五藏莫以惡眼而視善人莫以亂意入吾定門莫以六塞之身求吾六通莫以沉濁之身仰吾森赫莫以臭爛之身誇吾道場莫以淫母害父之心亂吾法衆善男子入吾道場纔起一念機雖未發罪目已構况身親任萬福捨離百禍叢聚生死重罪報對不休善男子行吾道者戒慎虛无不欺太空與道爲儔依吾戒者真道易求背吾戒者生死長憂可不慎之可不慎之爾時天尊重告仙人言夫朝禮之法不獨八節之日月一日八日十四日十五日十八日二十三日二十四日二十八日二十九日三十日當此之日修身謝過大道遙鑑如對目前諸學道人初中後心平等不異求福无厭修身不倦善男女等專志守一能得吾道虛襟任真能成吾道慈惠慈辱

精進不懈能周吾道神人為傳象靈給使子若反是空喪一生語諸來主熟思吾言爾時諸仙奉天尊嚴誠歡喜頓首所望便足不敢有言恐多免黷然伏受天尊明勅爾時天尊又告仙人曰玉清道境自然無學故曰虛元自然元始天尊非學所成我以大悲授子真道子歸下界實而行之從今已後九萬大劫金闕後聖下臨四天處於神州當爾之時上界諸真及十方天尊上僊法應同時下遊當此之時自應見我此中事畢子可復歸下界諸後學成道治不在此暫得彼往求法決疑爾時仙人奉天尊勅各各煥香頓首辭別上界森軒復歸下天爾時仙人前後請法經遊三萬六千天門謁三萬六千祕法位雖居下仙行同上真心眼明了洞曉三世無復遺餘以是因緣為得天尊真言道要修行不日而得洞達後世男女好道之子不遇明師心多質疑又不堅固歲月已往身又朽邁皮肉焦枯隨腦肉竭雖有耳目其實聾盲又多縛著執怪窟宅眾緣相續不能割捨如繩繫鳥萬

慮窮盡唯貪資養所求无足百病已生无方療治漸就增劇須臾之頃死時將至傾城贖命終无得法臨訣之際悔不行善餘氣之欲將何及善男女等我每悲愍一切羣生雖知飲食稀別五味雖知資生稀能養道死於利害敗於聲色馳騁狼藉委頓困苦然憎聞競自為寬憊煙散灰滅命盡之後冤魂罪鬼紛紜爭訟報對不絕復注生人為不善業遂至如此不從道誠不信罪福輕慢至聖毀謗善人殺害无辜偷竊劫盜欺凌老病侵損孤弱自恃威勢恣行刑罰如此之人氣未盡時已受冥考功過輕重纖塵不遺語諸來生安詳寶經勤修戒行無令缺犯大道玄繼幽明合符臨危獲安始驗威神爾時仙人復歸下天西靈寶宮與諸天大眾神光遠映萬倍於前三天仙入來相問訊歎此稀有目未曾觀懸知優劣道德不同各各作禮頌問道要爾時西靈上仙語諸仙人言道雖无心可以情求違逆似忤從善如流我遊諸天无方不

周備蒙真帝哀我勸求投我至要戒我精修逆為求生說戒威儀又紀九萬大劫之後金闕帝君下臨神州上天真宰同此而遊道法大度子當何憂爾時禹餘天中諸大仙人八十萬億聞西靈上仙下歸三天西靈宮中與諸大衆俱來問訊燔香散花鼓衆妓樂步虛玄中圍繞上仙稽首作禮而問起居行道有勞遠適萬天神光映朗億倍於前大道既弘普為眾緣伏願仙尊慈悲哀憐流通道化宣示未聞上仙答言我奉上玄玉清天中大悲忝專賜我至戒科禁嚴明大道秘要不許妄宣子但有心即須精思九萬劫後金闕天尊下降神州當此之時諸天大聖同時而來道法大度廣濟天人億紀勸誠為諸來生當此之時與子同遊爾時衆中有一下仙名曰融真成道以來始經六年未達三世猶在學地心疑九萬大劫日月悠長復疑下仙之壽不至此時前進作禮未及陳辭

上仙已知其意即告之言善男子我知汝心
狐疑劫數及以仙壽善男子汝今當知下界
凡夫學成道者名曰後聖一人仙位永無退
轉我生西靈寶宮近始知昨已九萬億大劫
上聖觀之謂如瞬頃九萬大劫須臾之間汝
得道成仙始經六年猶如赤子但知求乳未
有他慧欲於劫壽心生疑惑恐汝嬰童不達
至道朦朧淺智輕陳短見善男子无上大道
玄源洞清深不可測太玄太虛不可度量自
然至真无始无終後聖亦爾不知下界塵臭
邪俗修習外法八萬劫壽後還退墮此名外
道魔俗之法不出三界不得六通不達三世
不離生死微聞小伎即號大仙譬如下世凡
夫名曰金剛愚人聞之便謂此人堅固勇健
身无毀滅智者明了知非堅固假名金剛須
更變滅邪俗亦爾竊此仙號飾彼行尸亦如
下界庸夫竊號天人如彼塵穢邪俗自名大
仙智者明知邪正相反壽夭相絕八萬大劫
同於瞬頃譬如電雷一時之壽下界塵滓多
自名仙聞无上道中仙之名長存不滅耳目

不親便謂正道同彼妖邪書記傳說或亂行
尸弱喪闕之心生邪僻自欺冥福招求罪罰
億劫漂流生死背道修習邪法叫呼求滅蟻
積蟻聚塵飛霧委種種苦行不能得道皆由
失正元用邪僻獸惡身命猶如湯啖速求變
滅不知此身而為法身違違外索棄捨內法
多習邪書毀謗大道棄本逐末如此之邪出
於邊戎神州所無汝今云何於正道中而生
邪念善男子人修內法而得道者不論前後
大小階級但至仙位即能長存自在無礙不
以下世邪俗之法以及形為得道以朽爛為
證果此名外道生死之中而不自在隱障邪
偽息世譏嫌藏毒匿詐招集童蒙假託光怪
誘道一切勤求世信志窺財色行不正孰永
食不義食養陰賊常思損物資益行尸藏護
三毒靈欺善根殺生求生無功補過或不遵
師匠竊服良藥盜修小法微得利已便稱道
極此名暗去夜來無明增長外道邪俗竊號
仙名誠非虛白守一之道非為自然虛無之
道非為慈尊慈辱之道非為六度六通之道

非為元始無上大道非為自在解脫之道非
為長生不死之道善男子汝若聞有雜法言
辭大道即是邪法不免生老病死飢寒困苦
善男子汝於大道心莫狐疑汝師為誰修習
何法志度狹劣都無道氣云何化世證他福
田濟拔生死善男子汝雖得不退飛行自在
無我大聖未可全同法當進修心勿止足道
數足日身心大通三世之事猶如指掌九萬
大劫未方一瞬而我大道以百億大地微塵
劫數為一瞬息何有疑惑
爾時仙人離真頰首禮謝小兆不達塵黷天
庭昔來餘慶幸遇天真下觀六合哀以翹誠
見授陰生靈符修之得命運觀今日實所未
達無上道法願哀蒙昧賜以未聞
上仙告曰我識汝心知汝所師見汝修學一
時告汝不得不爾須臾之頃下界三十七天
諸仙人等無數億萬俱如十月二十日上會
立冬朝慶西靈之真各煩名香騰試上天遙
禮大帝虛皇天尊三司校錄水府上聞三十
七天各陳天儀張設供具遙獻上帝无極大

道三日三夜旋空步虛地祇作樂以樂仙真
五魔長誑願化歸玄列子調風雲將收煙天
花迴空香霧散虛左右仙童吟誦靈香須臾
之頃八氣溫舒明霞飛度雲庭洞曉天開玄
路觀太虛之無涯見元和之廣布三一尊神

萬氣道君澄漢似淵容與如雲權實不異乍
合乍分於是一時居中伏侍合形歸無上升
仙居下遊金城濯漱瓊津呼吸紫雲吐納雲
芒形隨日新塵劫歸嬰不去不來不滅不生
恍惚希微難可備名玄道無心會於能行一

時高住塵劫長寧傾天背道吾所未聞
爾時大常虛皇天尊遙放真光洞於萬天溫
沃幽顯灌沐憐舒流潤乾焦淘汰垢穢開决
聲旨補諸不足養生愈疾制御萬魔銷滅灾
氣十方世界無不蒙益生死關奉人神喜慶當

此之時魏魏難思一彈指頃福慧周普大道
感神不可思議不可思量不可名言
爾時大衆遙心注念皆願道業普得成就升
入太空親侍天尊願玄門廣開濟度無窮願
五苦罷對三塗救萬願邊土有生悉皆行道

願積病痼疾咸悉痊除願有情無情皆不傷
天爾時大衆發此七願七覺道圓七氣天君
歡喜讚喜是時七色慶雲翻然下流彌覆象
會七色香光明太玄七變天樂和攝七神七
真空生隨氣成形是時衆仙朝慶事畢光音

寂響至二十四日晨朝之時遙禮上方拜辭
真常淨空而下是時西靈上仙當此之時即
入凝神大定身心不動真光湛然自如懸月
經九大劫疑而不瞬
齋戒品第十四

爾時素賢世界皇氏之家積修十善无橫罰
害常持齋戒立靖供養三元八節慎香禮虛
十直吉日朝慶悔過專志大道誠無諂求家
贖資財又多僮僕常於四衢給濟窮乏舍諸
行旅施散廣大每以冬天露積原野濟惠鳥

獸憐哀貧病老幼孤弱供給所須令無闕少
齋講設舍心无厭倦長者有妻其姓豐氏忽
然中時於家睡卧夢見明璣自天而下入其
懷中又見日光照耀其身須臾睡覺便覺有
娠自此已後心意怡悅顏色鮮或行步輕便

氣力倍常足經十月以四月八日登臺遊觀
忽以中時見有紫雲去地百丈東南而行聞
紫雲之中有人言曰上仙童子何不出來夫
人仰聽聞有天樂在紫雲中須臾之間香光
滿臺薰人鼻根心意泰然便覺嬰兒從左腋

而出心知非凡即命侍女下報長者俄頃之
間龍王吐水灌灑嬰兒天兩寶花以為敷席
長者來見知其神異即於臺中養育此兒字
曰仙童常有紫雲蓋於頭上口氣芳香紺髮
紫容年三三歲紅爪貝齒目有雙瞳垂手過

膝音響如鐘虎視龍步舉動鳳翔所蹈无跡
頂出紫光年至五歲日誦萬言凡是經書悉
皆洞達俯仰合度進止儀容其辯懸河其德
猶龍幽通至極舉世無雙孝養父母常於膝
下吟誦真經中究大義下明地理无伎不知

年至七歲遊皆有方言隱事微聲翼遠方德
彰世表名徹天王聘為國師辭不應命專心
孝養奉事父母恒如敬天瞻仰顏色四時温
清無聯差違每得美食口不先嘗隨時奉新
必獻二親父母漸老年過百歲衰病相侵仙

童晨夕侍疾勤苦三年上天懲其丹誠諸天善神下遊其家地藏出穀以充供食大醫真王改容同凡下為療疾重得平復年壽一百三十歲而終於童雖有慧心無正修守不能即身而成道真是時仙童號咷切怛悲慟哽咽絕而復蘇遍體傷毀涕淚流血哀動天地飛鳥墮落眾獸不乳苦霧屯擁淒靈鬱凝地祇鳴鼓山嶽助哀國王聞之束帛贈祭四遠人民皆悉顛顛遠近馳赴眾鳥銜土為其域墳仙童伏塚三年營植嘉樹連廡接野泉鳥翔集晨夕悲鳴三年已後仙童還家以二親生資供贖功德所居宅舍施作道場香油燈燭幡花供養常自灑掃修父母生時十善之業齋講設會濟患窮乏常於夢中見其父母語仙童曰我生世之日雖修十善濟給窮厄无正所修身命不固輪轉受報出生富貴今在鬼道承昔善業不被拘繫雖無罪對猶負九祖餘孽停滯太陰未度南宮汝前後所管齊供雖伸薦拔未寔感通汝當為我如法建齋薦拔九祖爾時仙童睡得覺已尋思歎

息追憶父母轉更悲悴明旦燒香叩頭乞願謹錄夢中之言上陳大道爾時玉清天尊遙感其意即令上真定光將諸侍從一十四人下降地中五臺之陽託作寒栖大師時出行世應赴齋戒救世危難爾時仙童遙聞大師寒栖五臺之中知是真仙大士匍匐往請還家供養爾時仙童到五臺之陽雲昏霧合草樹蒙籠猛獸踞道而不得前爾時仙童倚崖歎息而語猛獸曰我是棄賢世界皇氏之子家修十善信用大道久絕伐害與汝無怨我為二親棄世歸泉追思不已欲建功德世無真師遙聞此山有寒栖仙士深達至理曉明齋戒故我遠來欲請大師還舍供養願汝開道令我得度爾時猛獸聞仙童之言塞牙據爪努力欲屠騰伏哮吼轉劇於前爾時仙童思惟良久而自念言計我生身不覺有過始欲排進猛獸忽能教我終不忘孝違福不就忍不突進不見大師又非孝也拭淚而言大道有靈願見遙祐天神地祇願哀念我猛獸聞道得見大師成就功德遂我孝心泣淚良久

忽聞雲霧之中有人言曰善男子來特為此事復有餘緣仙童答曰豈敢餘緣遊涉名山地神懲仙童之心而復告仙童曰子父母在世惠及蟻蟲天上地下莫不稱歎子為大事遠見真師我不敢障但以大師降此未久我等山神瞻仰未足未有供養以此因緣故令猛獸遏斷道路汝是十善之子百福扶持我雖山神願與善子俱得聞法仙童答言善知識者不必一類幽顯交歸人神不隔內外相持善功乃就山神攝除惡獸神乃露形與仙童交言言訖導途仙童隨之猛獸伏從上至半山見寒栖大師居在絕巖之下碧玉為居黃金為牀龍虎列侍神人在傍紫雲蓋盤螭承爐金真菓節玉童煩香爾時仙童拜伏而起頓首而言弟子受生不幸禍不滅身心無孝養天喪二親上下無依唯憑道真俗纏多累生死因緣荼毒崩心痛不能言欲營齋請以拔罪根仗承大師慈悲赴緣敢欲奉屈為證福田言畢叩頭希聞報言真人告曰子二親在生恒修十善濟患窮乏救活蟻蟲名

名山之靈身無濁穢受形已定雖不任道常為真君而作外護不欲濁惡以此忤真仙童答曰此六老人是我法親聞我請道心助懽喜雖非十善亦无重罪身雖俗士亦有好心聞有真道自不曾觀遠思遠念誠在可哀山神聞仙童之言復語老公曰子審如仙童之言安定身心不須震懾思惟正法依教修行時諸長者作禮而退

太上大道玉清經卷之五

太上大道玉清經卷之六

昭靈品第十五

星六

爾時南昌宮甲上仙名曰昭靈與其侍從萬五千人俱皆文龍初會凡身受度修道成聖具慈悲力才得六通能遊無間壽命已定如鍊真金無有變易昇自在地智慧廣大不可度量身心無礙猶如虛空以七月十五日上登太霄昇入玉清天中朝謁天尊於雲宮之中頓首道正前問訊起居而作是言此以塵濁穢賤濫當開度普蒙大道慈流非分援擢錫以壽命叨佩至法自此已後依戒修行果所希望理應晨夕侍衛天尊當受事特為下界凡夫形骸臃臃又為天路遙長非凡所登誠遠起居每以翹想青雲之上欽慕紫闕之下徒以人微道淺致乖心願鬱悒之情歷劫纏懷不任戀慕之誠仰披雲霧上冒威嚴得親尊顏以申虔拜言畢頓首喜不自勝天尊愍之而告仙人曰生化之道理合自然我亦未曾故有所施亦無情而鼓物焉能生汝善男子如人愛滅道亦無心逆其情而生

之汝心好生道亦無心違汝情而滅之若以萬物之情極昇沉之願者於際會之間自然而辦道處玄極之際故能順物如流生之與滅道不能違也生而不滅吾道無心而能滅之滅而不生道亦無心而能生之汝今得生由汝願力道無心而生之心有背向各尚其志雖有道力不能先之汝願學道之初元由汝心自因自果不我知也所謂自然之道冥辭對天尊又曰天路遙長汝來何為仙人答曰故申對謝欲觀上道微妙至法天尊告曰上道混化塵沙不辨如胚胎之未分似混沌之無元棄賢去智不晦不明溟滓無際焉能有妙與汝觀之無上大道若變化一事若起滅一事若受一事若持一事若居一事若舉一事若顯一事與衆觀之與人疑之無有是處無上大道亦無微妙冥冥空寂自覺覺他無心觀察無心分別此之與彼况能有妙與汝觀之無色無相猶如虛空無有內外善男子汝欲觀者可往雲宮東北方去